

五百四峯堂詩鈔

五百四峯堂詩鈔

卷二十二

順德黎 簡簡民撰

壬子年

春寒

冉冉松頂雲
浥浥雲脚雨
雨氣與海氣
濛濛上春宇
一合爲空寒
天陰切江渚
遠眼失浩蕩
烟霧塞四堵
獨增江水光
冷白凝暖浦
萬象不入影
雲物無處所
自從人日來
六日堅閉戶
鳥飢忍澀縮
花

重懸辛苦詩心醉
躑躅夢境寒
起起今旦晴未明
躑躅窺吾圃
手挿芙蓉枝
的的青可數

其詹得臺灣蘭寄我

歲晚花船百里中
春颺搖裔送村翁
初矜露甲精神綠
細護霜癥擬捻紅
對我南邨素心在
分根東越故山空
憐渠早作辭鄉劍
不見持堅草木風

寄別侯貞友兼寄平叔

我泥看花不送君
花時多雨坐傷神
却憐黃柳離亭晚
空閉幽風小閣春
梅樹枝南先綠葉
故人行

處賸香塵惟餘冰雪江關路鴈後人歸何太頻書來

云正月下旬成行

春水

汀洲白蘋水蘋葉暖依依昨夢春山晚風波遠客
歸阿那濃柳影澹沱碧雲飛宜稱桃花岸棠舟白
袷衣

梨花下作

木蘭太濁桂香濃
顛得還忘看欲空
晤徧園芳此
花靜
晚天晴
碧澹無風

風夜

竹影春燈亂春江湧夜寒臥聞禽濕縮夢入雨汗
漫窓紙裂明水邨花翻暗瀾三旬晴十日五日賤
軀安

連日寒雨東鄉曲諸公

上元以來與諸公
閒日會飲多雨阻

不齊

柳絲浥浥夢醺醺夢雨橫江草綠雲隔日酒杯欣
取閒一村花絮攪離羣苔高粉壁蒼山勢樹入春
潮碧水紋二月上旬初月破可須脩禊感斯文

風雨夜寄許周生

多君冥舉託孤鴻而我卑棲喻二蟲
蛾子綢繆槐國雨鷄居蹭蹬魯門風
復吟復飲芙蓉渚傷別傷春
辟歷桐應與羅敷和趙瑟高樓西北日南東

二桃樹各始開一朵嘲之

無言有怨望盈盈自愛春風自日暮
中園又烟雨相憐憔悴到天明

天明未明春夢迴兩樹千花乘夜開
恐君自中春

愁醉烟雨酖醺官不來

桃花答

復雨

昨暮林梢夕照來
緋桃火急夜中開
五更風信平明雨
雲外木棉花上雷
沈令瘦腰客緩帶
公榮燥口負深杯
痛判夢裏吟春草
遮莫床前及綠苔

春江權歌四首

窈窕綠蘋容裔波
柳風吹面醉春和
白絮白鷗影
白袷青峯青髻鬪青螺

春江水色蕩人心
花擁春人影不深
飢魚雙出响
花影不畏隔花人
整簪

北岸垂楊南岸山江心歌管信青翰不知兩岸青
陰合特怪漫空煙靄寒
雲外誰家花上樓東南初日上簾鉤遙知獨立樓
中女自怨何人江上舟

離思

離思滿春江枕外波浩浩天水魂夢浮風雲蝴蝶
小江南千里春柳憚五字好何時見新詩秋汀白
蘋老

朝望大夫峯賦三忠廟

大鳥峯暗雨迷川岸抱湖光樹倒懸山足噲吟隱

龍鼓

魚塘海四五月夜中鬼龍船從山下起近百餘年矣

雲根篷勃出鯢淵

鳥喧邨祭巫投肉馬踏颼風花滿天奉禮嘔心悲

喜盡要將詞賦託神絃

春朝詠懷

葦禽啣草濕沾翰雛竹平簷重亞欄雲外春山如

醉夢花梢風雨見陰寒旣歸晚食拋長鋏不出時

人憶小冠遠謝兒童笑拍手何曾辛苦逐彈丸

彈丸

應平聲

初葉

初葉帶天碧
瓏璫非曉陽
餘花露酣重
平檻雨淨涼
煙鬢沾鬆綠
雲芽寄膩光
故陰忽已改
風軟未琅琅

新草

新草泛風柔
沈瀾一寸抽
天光酥雨暖
日氣碧雲浮
詩夢驚長別
春心足倦游
何堪極高望
千里到簾鉤

晚花

晚花如美人遲暮自傷春品絕難評色愁多剩許
身纖穠看愈遠烟雨濶無鄰緩緩湘東騎前塵薦
綺輪

林哲侯彈琴詩

半塘藕花秋驚明去年憶同許周生周生彈琴詩
發情秋入菰蒲寒有聲周生句云有林哲侯與君同
鄉土寄家吳門作吳語不奏吳聲絕高古八月望
夜觀察堂秋陰離離花覆廊石泉璵璠宵屋壁山
風蕭颭掀衣裳新歡危坐遽掩奏禮節不使神飛

揚九月九日天氣涼山響樓頭南鴈翔
七人五人齊望鄉細聞林葉灑
窸窣洞如山石空琅琅日落
黃菊酒杯短風吹白雲天路長
是時勸君勿終曲要使盡情同一哭
已似桓伊喚奈何始敬阮瞻忘
雅俗十月廿五別鷺潭是日平叔還
江南西樵凍日黯千里照見汝琴方
在函君言有聲不成曲亦似別語三
其緘江山去住各寂寞始放別淚沾
衣衫憑君補作歸風操當得離居今
雨談別來青春半徂謝絮風花雨驚
吳娃博山爐烟鄉夢闌一和

吳飲彈子夜

哲侯與婦同還
粵亦能吟咏

黃淑亭佛山相過三絕句

一帆烟雨滿船花
還過花邨野老家
膩碧如油白蘚水
門前隨意得魚鰕

憂患安身託六經
壓船煙海道山青
樵夫昨夢搜奇字
到爾巢書天放亭

秋官坊裏我比鄰
四度春風幾故新
舊雨苔深車馬跡
可無人說賃春人

春朝鄉里諸公同集致公房議脩慈度寺

村喧海雨聞松杪上風雲萬象勞如此諸天靜不
禁花陰香積晚苔碧佛衣紋勿使山魃伎圍墻入
夜分

中園寓目寫懷示友人

青春漸闌花滿枝春鳥上飛花下飛中年聲色自
多感昨日風光今有違謝病還家出而作循環觀
化入於機可教雨雪雲沙路中有芙蓉薜荔衣

齋中詠盆石水仙

盈盈春江深脉脉怨花月盆池清夜氣眼凍厲明

雪賞近心已遠香裊風一髮掉頭見吟影素壁瘦
兀兀幽帷夢蓬瀛塵霏海娥襪

早春

花高臺榭出人驚春遠雲山入海明絮繁絲柔酣
日氣東勞西燕逸風情芳時薄晚天將雨樂事中
年死半生向秀注莊還作賦道心蓬卷苦篁聲李
谷樂府苦篁調
嘯引笛曲也

春風

春風情性與誰知急在花梢緩柳絲柳密花深小

庭晚有人尋夢碧雲期

宋玉情深語絕工已判雲雨又分風年深道勝甘
雌守不辨披襟顧盼雄

鄺氏艤齋酒闌諸君冒雨歸予與歐退菴

如熊

先輩待潮不至晴亦步歸已四更

殘矣

杯闌燭映雨絲斜十里春邨一萬家門外寒潮風
壓信屐痕明月漂花板橋拄杖遙嗅犬竹火穿
林曙叫鴉似夢年光別如雨後期須問故侯瓜

退菴

辭官十
餘年矣

補和平叔九日鎮海樓

壺嶠碧城頭
城頭鎮海樓
樓前九萬里
鵬背清冷
秋寒信
驚賓鴈
離思近
女牛春
還遠
相憶花月越
江流

省平叔去冬蘆巴驛書

他日張燕國
題詩在驛垣
風波送行夕
山月故鄉
魂此客
非凡客
西門是別門
我歸過舊浦
烟雨東
黃昏

雨中有詩

四旬苦坐雨習苦成近玩清冷草木氣澹定空水
嫩茸茸霧無質裔裔眼生亂浥浥花抱寒脉脉人
與倦雞鳴深綠叢鳥饑得紅片陰重陂草靜光薄
雲日變炊煙帖漫白石苔澀峭舊映空平若失隔
樹斜稍見如夢春不惡微和風屢善弱蘋靡波流
時芳付雲泚鳬脚墻抽艾馬齒畦覆莧已風三年
藥既晚微祿歎詩屋壓江雲冥搜夢春旬

晴陰有詩

飛鳥定恬風泛泛極雲天天雲亘水氣積水陰渺
漫枕衾畏夢寐超越約籬籬綠蘚雲鏤牆青蛙池
漲盆露梢竹濺衣雨陣花垂關竹根繞坡路花上
眺春邨邨暗落濕翠湖光浮濶寒絮烟白切草夢
靄黑懸山去鴻呌孤影深天明碧灣節侯坐遂徂
沉重景已闌雲外西去日古時東逝川颼颼送暮
色黯黯動高原溝瓦飢無聲茫茫燈火昏

書十六韻與歐退庵歐上舍書圖

維麟

入春五十日問病雨番來水繞路旁寺雨含松上

雷

謂慈度寺

竹林雙翼鑠藥椀獨摧隤二老誠近切中

年傷樂哀忘情仍道淺今歲負花開正月火爲樹
懸燈星綴梅天陰自人日物候翳春臺近水黃魚
頓啣雲赤酒杯蓬蒿破泥濘鄉黨續追陪昨者衝
風出背闌著屐回需與元軟足負刺忽感旃兀兀
倚枯木炎炎非大槐身今未老洳心且不然灰坐
似平安竹行防汨滑苔新詩吟起我故紙懶成堆
筆興時飛動篇長費溯洄

春陰

水氣上寒氛春陰始屬雲夢多愁自醉衫膩坐頻
薰厨益朝禽下田波畫舫聞濕花無意緒落處不
紛紛

歎落花

條風才動衣卽已見花飛草綠連南浦村晴得久
暉誰家空苑樹流水到柴扉濫汙傷春日登臨送
遠歸

海樵先生邕州寄芋食餘種之

一頃南山悔落萁西江九爪得蹲鴟中園挈水無

畦町遷地抽心甚卷施遠憶封題嘲困憊向惟家
食不委蛇僻田早熟君歸早並與嘗新粉作餐

後園小竹商裁釣竿戲作

春筍新抽綠玉條舊曾風雨咽秋宵槎頭潑潑水
五尺鶴膝稜稜墻半腰餌牯聰明猶剖粒狎鷗心
跡亦承蜩却齊得喪還畱取萬丈空潭寫月潮

得平叔玉山舟次十二月十一日書

層冰明玉山舟膠玉山閒歸及小年夜

書云計廿三四可抵

也家書剛大庾關開時春過半今日汝安閑湖上西

神綠吳妝梳曉鬢

村飲暮歸

春邨雨後苔雲月暗徘徊但有燈光處深從花罅
來蛤鳴板橋屐露洗竹根杯獨夜西堂宿神清形
自開

贈玉溪生絕句

晚天花上碧雲明雲碧天深春水平有此人間二
三月才情雙絕玉溪生

南風

海日蒼蒼落空雲嶢嶢高南風平動地北岸陡崩
濤雨勢蛟龍蟄村聲木葉勞弱燈無定力堅坐息
羣囂

溪上卽事

松密溪不光淨綠養深秀下見藻荇葉容裔雲絲
皴流花明的的得草時逗遛浴鷗白泠泠於我無
避就掠波試燕濕引子拽藤瘦久坐春陰多烟水
亘襟袖入春六十日此日最晴晝日色金碎瑣溶
漾不可湊氣寒壓薄暖况此濃翠覆裁句礙景物

和神抱節候澹心媚幽姿裹足寡俗謬寓觀將外
捷適新知內疚濯清滄浪翻掬碧神明漱榜鳴客
語聞花動鳥飛驟故人買花船封瓶借書耐龍山送酒
至因及之

夜飲桃李花下

桃宜斜日李宜朝桃李皆宜絳燭燒夜色瓏璁好
無月花光高下近通潮今年多雨愁兼夢二月三
旬醉幾宵有酒看春拌眼纈無風明日也魂銷

春晴野望

春晴暖無風游絮亦離地
日色蒸久陰浮浮上青
氣三旬靳一出心目交泥滯
抽思鏤花草亦覺慧
而細及茲攬空濶指以極爲至
安知蒙茸外天合
野無際白袷凝雪明受此千頃翠

致上人送碧桃

英英雲葉剪刀殘無質空疑有霧看
三月春明初
月色十分濃碧二分寒漫山
鄭瑒紛成屑出谷張
梨簇作團合是禪花此清淨生無邪
慮竟心安

射虎圖歌

猛虎得人祇數尺將軍昨夜箭入石山風偃木簪
豎戟將軍眼睛如虎綠目光電交倚一鏃鏃弗應
弦則手搏後有陡削前絕趨虎進不已人負嶠人
虎不得少踟躕欲急已遲擬卽失將軍氣盛體若
槪肘如枯枝杯不溢彼何人斯李廣真誰其寫之
曹將軍不爾安得妙入神我欲短衣馳匹馬今人
旁觀汗猶瀉况廼左右匍伏者

三日行

三月三日行春陽天高地迴浩春光昨夜凍雲垂

地黑到曉平湖寫天色
舫舸萬里洩窮陰滄溟坦
掌浮春碧木棉花城開
紫雲花閒青鳥窺麗人
桑扈雙飛桑葉勻烟綿
之草花氤氲春風無心
波動
裴青婷翅軟胡蝶醺羅
敷未嫁尤變變萬點落
花
如一剪路傍人多歸路
遠春愁海深春怨淺老
夫
不笑國人在杖藜咏歸
衣履香旣多士女少相
謔
亦欲被湔無不祥柴門
迴首暮塵暗樹杪清風
西
日黃

誰家

五言集卷之三
古
誰家饒鼓清不譁繁音深出幾層花花邊籬犬臥
碧草屋上木棉飛老鴉少壯春風吹夢緒詩篇心
跡驗年華不能與衆天使獨亦可少安生有涯

柴門

柴門面秧陂層波泛雲色溶溶濶於川山光落平
碧日絲氣繁散風花去離卽的歷飛鷺明靜婉春
衫白蒼蒼韶景晚遽遽自喻適陶潛非達道謝安
無曠識返性入山水資生計衣食昔時同學翁冠
帶何煊赫長安熱魂夢無暇到泉石焉能便相笑

相見不可得

雜詩絕句十首

積水幾尺將入廬
落花有時吹到書
葉蟲蜷蠕避乳燕
蜺鳴撥刺似跳魚

一點牆頭青見山
七尺花底矮開關
故人莫誤沿溪路
祇在芙蓉第二灣

靜極翻憐無住心
無絃猶是處囊琴
奇花忽見初胎蕾
絕勝逃虛聞足音

松風花雨濕晴衣
雲浴烟江冷夕暉
蜂蝶喧顛亦

傷別趨入花艇送將歸

三月三日三日晴白雲丹旭水天明隔江日日來
風雨萬樹芭蕉葉葉聲

烟水冥冥打槳聲深深籬犬隔花鳴遙知人識羅
含宅竹裏青光燈乍明

三月今朝初七日輕風細雨又微陽自從人日希
夷子六十日中眠一場

衆香亭前新玉蘭雨中開徧雨中殘窮簷飢鳥凍
不出到眼雪山明屋山

桂花屑風金瑣碎鳥語濺瓦絃璁琤之折田溝自
搯搯大橫窓日隙庚庚
頗愛淵明飲酒時辭無詮次德支離我深酒意氛
氲甚不飲令人見欲癡

移芙蓉桃

花如芙蓉故名

寄周生

芙蓉隔水綠未吐移桃意在芙蓉渚諒君昨暮得
我書夢我芙蓉花下廬我白看花日晚晚木末英
英春意暖望仙眼內紫雲迴暮愁花上青天遠及
此東風折貽贈已是秋江照清淺入無語言怨無

端紅綃映面宮扇團圓畏人新婦眼波直遺影向隅
眉黛攢石欄修竹光景翳茅屋青蘿烟雨寒明年
君來或迷路三折深花醉霜露西風不識芙蓉波
春水長如桃葉渡

山鷓鴣詞

越王青草漢皇山今日春風古碧寒一過城門行
不得鷓鴣城北唱陽關

黃金彈

去聲彈平聲

山鷓鴣

誰家哥哥教爾呼可是畱
歡行不得頻行頻問可行無

采珠詞

老夫白首食珠瓢使君紅袖出珠娘珠娘生好弄
明月不喜內屏燈燭光

掌光如豆白淒淒潮沸聲光火齊齊一時有脛行
珠母幾番招魂哭鬼妻

寄許周生周生書來言王少司寇蘭泉

景

近刻江海詩傳欲選拙詩寄刻作短句
答之不必呈司寇也得三十二韻

方舟浩中流風濤不能渡勞人入中年悲歌畏日

暮狂簡昔遠行萬里得窘步黃鶴樓上雲碧雞關
前樹虎風裂崖谷蛟涎洩氛霧寸命赴百死鬼窟
奪綫路鴻鵠前逐美龜策今破誤裹足恒伏枕內
疚自懷慮苦心十年膽酸鼻三斗醋脫我遠遊衣
謂洗緇出素宿垢沈溪雲日浴愧汀鷺側身事文
翰攢眉就章句吟咏稍染指積習遂成痼漫浪紙
遂多拉雜焚已屢灰塵風中揚烟雲眼前去蕭蕭
青天高悠悠我生懼立脚竿有初安身苗勿助親
切哀樂入歲月心境寓鑿窅幽或造垂足險必赴

多思戒出位舒肱倘成度久歷若朝徹孤詣雜夜
作閉關耐滯跡登高阻能賦髮抽花草心屑碎蟲
魚註鰲箭得蝨輪牛軛慙象輅古今濶渺莽乾坤
大廻互名翼空自飛身并老則淤焉知我身後復
與我文遇再來誰子雲一去吾薤露千秋亦根塵
半世熟惡趣臨書謹再拜題詩謝非譽大匠金在
鎔小巧瓦爲注我譬丁有尾君無乙其處

寒食

寒食千家送寒具深春三月大江深新墳白紙飛

驚眼

粵俗新墳必於清明前三日挂白

宿草青山碧痛心西乍暄

陽東乍雨花梢晴照柳梢陰中禪表袷時宜稱竹

屋松溪凍不禁

晴日

游絲合飛絮容裔媚春風晴日翻書響深花酌酒
紅露荷乳白鳥堦竹祝去聲青蟲微物資心累人機
昧化工

江亭有述

花擁江亭鳥溢林江楓覆水碧湛湛零風斷雨將

春急蒼鬢青山入鏡深
櫟社自來矜壅腫蘭臺蕭瑟稱
登臨竹房紙帳無端夢馬首雲沙白日陰

溪草

溪草垂垂棲濕螢螢光的的抱花冥船偃夜雨眼
俱碧陂曉春波襟亦青動不因風行郭索長還多
態立蜻蜓就中鼻觀猶能辨軟飈魚苗水氣鯉

寄邕州雷氏表兄山莊

麋鹿雙峰堂來仍幾葉孫破月無近路廿年成遠
親江湖計水驛風月夢山邨歲時自一家樓臺空

四鄰山鬼語夜雨峒奴春曉雲石鱖穴地響崖蜂
過壁聞吟燈明竹館琴月映蘿門疇昔數晨夕詩
書誠弟昆一襖采芹衿遂嗾佩蘭人青雲誤西笑
烏几動南轅待士開東華窮途迴北塵荆釵老姑
母松閣古徵君素峯母舅大雷寄書岸華陽挂壁巾歿
存兄妹濶山川草露春哭雲瘴日暮別雨桂叢昏
休文三載病應無可瘦身

玫瑰花

深紫看成暖醲香靜不狂苦蟲堅避葉醺蝶軟勾

芒露側垂珠重釵烘眩髮光美人宜早起不稱月
如霜

墨蘭

又名賀正蘭色正
黑者佳致公所分

淡韻濃姿祇易尋墨蘭真賞絕幽深不畱夜月畱
燈影先得春風得畫心空色緇塵忘垢淨陸離長
劍合陰沉草元更與通元悟結坐聞香靜不禁

梨花

梅花去後人閒月祇有梨花得二分夜色銀屏鎖
兒女曉寒粉蝶落風裊霧迷甲帳仙無質雨重春

樓夢有雲無限晚愁飛一片謝他穠李太紛紛

新荷

青破苔絲白破烟柔黃防執女拳然風搖露定欹
還直天色盆光碧漸圓水殷卷衣凉怯怯菱潭初
月靜娟娟江南春暮情人夢若箇灣頭見小憐

和黃上舍嘯谷

奎

午夢脩禊見寄之作

日日古時流水新流觴遙酌古時人鳥聲花影深
窓晚草暖雲昏何處春烏帽芙蓉山墊角青鞋蝴
蝶粉沾塵詩成坐夢還占夢事往無身泥此身

流水

流水將花故繞墳歸魂無影襪無塵啼鵲樹樹清
明夜幽草茫茫九十春石葛雨蘿陰窈窕刺桐風
澗碧皴皴今年麥飯扶兒拜應接家公笑語親人

媳稱翁曰家公
二字出莊子

焚香

茫茫春暖細簾垂幽絕神明通所思茶竈酒醒分
熟炭花簷風定互游絲薰襟隙日霏霏靜浮帳朝
雲浥浥疑隱几仰天兼服氣佛龕禪榻又齋期

三月十三日十四韻

三月十三日踏青青已齊有心人灼灼在眼草萋
萋袂罷經旬出花闌百舌啼風鶯逐金彈雨蝶拍
銀泥喚渡春陂水藏身弱柳蹊香雲浮幃幔苗浪
皺玻璃巫髻妝成晚秦樓歸路迷言多穆木女亦
有杞梁妻沃葉驚桑盛青山畏日低老夫行藥力
遲暮覓詩題得句如長吉投囊付小奚陳言棄芻
狗知己屬雌霓茅屋蓉灣折茶烟竹塢西清宵淡
無夢月露宵棠梨

邨中行春

心緒能勝幾日春晚霞晴意作憐雲散花一禮黃

師塔

僧仰素塔在慈度寺前明碑云黃氏子

上塚分香六女墳

見邑志

尊足天生如跛蹇濯纓波暖失泔龜少年迴首殊
風趣風景何嘗異見聞

老得

老得烟波作釣翁壯拋詞賦悞揚雄無鬚可稱懷
中版燒尾真成爨下桐裹飯我知貧是病乞醯前
悔直傷躬姜肱豈是藏深密自畏人前鬢漸蓬

過嘯谷花園

板橋榕社深深巷過獨木橋花又深葉卷露光涼
到眼蝶雛風冶緊搏襟江湖白髮歸甜睡安樂青
春與苦吟種樹須求橐駝法灌園均謝桔槔心

溪花

潮滿碧玲瓏溪花著似空有香橫送浪無露濕因
風綴葉萍增綠穿林日與紅芙蓉未耐萼小得嬌
簑翁

高松

高松掩山密寸碧見枝疎到地日雲濶浮空雷雨
虛古塵成陸後寒色渡江餘南郭時聞籟天人共
一廬

春夢

春夢不就緒依稀還窅冥睡山雲外黑別草渡頭
青藥動烟迷閣人歸花覆亭悼亡潘岳鬢年遠得
星星

新水六韻

新水照人家溶溶曳落花兼春急送雨浮月淺啣

沙濕覺地無病遠愁天有涯清瑤丈人瓮初蔓故
侯瓜柳碧明通體雲青瘦一綢惟應得漁艇客或
到仙槎

嘯谷又號笑山人以詩賀之竝邀之小飲
山人長笑無攢眉向來哀樂笑遣之落花暮雨君
對酒春水碧雲吾論詩百花邨深萬家內衆香亭
晚三月時誰得苦吟誰痛飲二難并汝上天私

細雨

細雨留春春去遲光霏空霧細游絲花明竹碧天

仍曙風澹雲涼鳥未知不卽披衣疑小病畏尋前
夢改新詩和於昨日知明日明恐翻盆水漲陂

前塵

病甚仙郎憶舊師山人芳杜對華芝竄生南國心
憐橘送老西山杖蹙頤蒼海白鷗元浩蕩赤明丹
鳳日歲蕤追風瘦馬前塵濶識路還思帶好兒

憶華首臺

華首臺松奇似石雨花橋水怪於雲一春斷夢虛
無到卅載舊山風雨聞僧老把茗行掃蟻虎瘡衝

柴夜如磨何當蘿帶芙蓉袂妻著麻姑蛺蝶裘大蟻

幾小指滿路僧
老者職掃之

射魚曲效李義山題畫

青城石青如死鐵秦王鞭電電入裂海天無底塞
風雨神姬夜啼石根血簷竿銅牙性蹶張弩弮壯
士身倒僵連機千矢飲一矢先湧一山如火光血
波崢嶸赤還碧八溟鯨風吹海色仙人却騎紅鯉
魚以袖障面還方壺白雲帖天帆一幅驪山清秋
望徐福徐福此去仙不還祖龍空赭青城山

傷花行

花邨野老行傷花雨晴花薦春日斜今年多病得

多暇此日獨吟還獨嗟昨夢騎驢向京國

知友多勸

簡北行

沙作雲黃柳雲碧今朝露渚雙眼明兼我煙

簑兩鷗白形神勞逸竟誰是左右存亡豈真識剗

心十年作三賦唾手千金立四壁謂坐可得指可

至在苦能攻澁能散一飛鸞皇送仙舉落爪雲霧

湧筆力翻身長塗軌覆人灑淚短景花笑客病驅

放遠甘牛後澤雉神衰得雞肋暖風浩蕩花汎瀾

斷絮攪擾禽閒關澄天漫白暮江濶野草擁碧春
衣寒晚心轉悲風轉緊一歌苦調行路難引吭欲
絕歌正苦回首過來花盡殘柴門漠漠雨將到雲
浮大鳥江上山

白絲行

白絲未染白如故勿云五色凌汝素美人手爪弄
春慈織成白絲如素空杏梁三月啄花燕唾花媚
汝機上紅裁衣稱身宜春風春風滿懷肌肉同體
如迴雪花歷落軟似明水波搖溶仙人霓裳舞桂

宮真寒冰骨曲未終可憐賤妾出掌上宛轉入誰
懷抱中抽心作繭一萬丈妾蠶亦是可憐蟲美人
愛汝心手巧玉體瑩瑩衣皎皎美人團扇亦復好
抱月眠雲不知老

紈袴兒

少年村中見花時青鞵綠杖銀鬚眉村南社飲村
北歸花香酒痕沾布衣白云此衣忘幾年老妻鍼
綴媳紡綿春風吹酒可得三十度濯垢溪雲三抱
孫當時斗米二十五

村斗當官
斗之半

一歲娶媳犬嫁女

老人黃泉我元鬢今我蒼蒼事非古去年製笠今
戴之亭亭碧雲相覆隨溪東溪西花對飛秦樓日
轉桑樹枝美人已歸蠶已飢夕陽照耀紈袴兒紈
袴兒心無人憐空爾爲

桐城馬孝廉

宗璉

稷甫因周生致書索僕

書近詩作此送別兼呈周生寄平叔

雲山不去樓遙閱吾老大歸來不欲出哀樂吾已
謝今朝起潏潏面垢省懶惰周生書到門新詩咏
吟罷續有馬君札聲聞懼情過春風滿衣袖遙輝

沃桑柘懸知二君子青燈接情話拍拍江響波離
離花映夜雞鳴已封寄蟲技得獎借桐城馬稷甫
扁舟昨南下考文侍郎幕相士孫宏舍池館竹雨
靜星宿天石破精思冥化跡物象受叢莖尊羹感
秋士柳店醉吳姹綠波夢送遠花雲壓愁臥去年
泣別處寒日襟上墮與君爲神交氣通則心化江
水六千里靜碧不忍唾經過見平叔叔才實凌跨
君須得大嚼異味迺吾炙餞車出幾輛平頭遣一
個從茲天地閒此別不可奈小詩入君手勿強許

子和刻意傷春心其瘦吾所怕

頭風

頭風陵厲時萬物坐震動床連身軒輊壁立面洶湧
燄火眼空花噫氣耳壘空語蟻甕盎鳴厥角顙煩
腫呻爲豕入笠伏作蠶欲蛹外苦鳥啄啄內奮雲
滂滂叩鼓天響煩懸髮石壓重華刀試一割琳檄
頑屢捧此身不病病諸妄何種種吾生足困頓
身事日闌茸幽愁或根心哀樂不旋踵無人逐二
豎是病實始俑四禪梵天俗三患邱井壅死生外

七日湯火猛一竦登陟水晶域擺脫熱鐵籠淵乎
已鯢桓何煩乞牛湏

得平叔正月上旬書作寄並似周生

憶汝作書日吾廬花雨冥書來八十日書至天始
晴起覽復臥病梅雨夢江城湛湛楚江盡黯黯楓
林青梅野一半黃落地爛如蒸乍怪雨氣酸亦雜
海氣鯉不辨松與常安知君戶庭我魂亦勞止君
懷焉得寧丈夫既特達逐逐神龍行閒濶望風雲
輒通雷電靈君今彪炳文虎豹變未成長嘯土囊

裂無乃劍吹聲區區朋從內起居須自呈發書花
未繁報書柳已零尙喜春懷人春晚得言情江南
石頭水下有沉書泓今無殷洪喬亦畏蛟龍精自
從別君來頭痛風彭亨積思曠筆硯寶非懶憶萌
神明與病憊欲強不可爭使我坐兀兀知君眼瞪
瞪眼中吳山晚西神碧淒清似我大烏峯慘澹遙
亭亭勉欲一寫之寄汝吟猿屏但是傷離處卽復
有猿鳴近憐許周生聞見閉重局竹烟雜榕雨芙
蓉波絮萍此景滿君心夢此太瘦生人瘦我亦瘦

別淚老縱橫

白鳧行

白沙白鳧如病翁不驚翡翠嘴爪紅翻身卓喙泥
水中得魚過翁翁耳聾烟江漠漠雨茸茸寸翮受
此千里風兩眼碧入江天空華亭舊侶去作朱門
客邀翁懶惰飛不得君不見鵝雛垂翅急入雲迴
頭已受飢鴉嚇

課耕二首

江邨春已闌雲水氣猶寒雪鷺無逃影風苗得意

瀾直情發色笑餘力養艱難勞逸皆同願將心與爾安

吾衣淨不氛笠屐稱夫君近切示孫子老蒼漸骨筋三餐羨黃雀長揖謝青雲未得循東海行田愧右軍

得海樵先生書

門前三月舫水水上楊花萬里萍百紙寄書歸未得十年浮客苦零丁瘴隨雨脚新雲黑石趁船頭古鐵青弟也病衰兒娶婦可能無日息勞形

牆頭麗春

負手看行雲高花忽動人小涼愁欲醒將雨黯辭
春竹近還成幄風香不到塵生來合南國遲暮識
西鄰

清夜

清睡眼長豁虛齋宵已分搖牕花月水擁被石溪
雲化蝶增諸妄雕蟲減富文風林無穩鳥一噪百
紛紛

周生索予詩稿未得以所與唱酬者二十

首錄寄王蘭泉侍郎作詩笑周生亦不
必寄侍郎也

我自履狶如市人君猶牽犬待方歎一時哀樂供
藏弄此事蒼茫屬鬼神絕分馬牛爲下走不能鴻
鵠或前薪深思淺悟還搔首地久天長濫側身

看蒔田畢

田少能供祭身閑亦課耕寬於五畝宅多愧一廛
氓學術迂長策泥塗答 太平釣船昨夜雨蘆荻
捲江聲

林良畫獨鶴圖歌

上堂踽踽吾瘦極何物昂藏晚相逼主人肅客客
隱几物化天風生羽翼崑崙雲氣蓬萊波王母輕
引鸞娉娉赤霄邀我兩羽士青鳥侍立三翠蛾嗒
然鉤天五日返道侶委形自此遠元纁玉帔晚示
人鼇柱龜臺岬當眼乃知化工如化人擺落我跡
遊我神君不見虛墻雪濤浩呼洶崩雲石菌青嶙
峋朱冠紫騰鍊日色鐵脚老肝樞銅筋尙足令君
乍却立三尺喙吭如屈伸祇應今夜風雨歇天地

三更氣淒絕無人知有丁令威滿目山川叫殘月

樓上

入夏氣飛翻風雲日不閑沙虛白徙岸天險黑移
山樓上寒溫急詩心物我關峨冠落搔首盛景接
衰顏

聽雨

病眠驚瓦響急雨變狂雲歷夢春愁在冥心物候
分南天入四月陰野互斜曛新水塞簾濶浮空淨
不氛

新鳥

新鳥競飛花回風故故斜巧俱沾水起愁獨望雲
賒弱柳翻身怯青蟲仰接誇絲簧吾法曲謝汝井
桐鴉

江邊

江雨暎殘陽江亭黯衆芳去春鶯澀澀傷別草茫
茫病起兼人老詩成屢舞狂沈吟日又暮閑煞物
皆昌

卽景

四月鳥飛邨路深松篁天色碧沾襟風光漠漠傷
情濶烟水騰騰入眼陰病懶瘦狂真自棄露蟬霜
鶴託高吟吹笙舊卜三層閣東望羅浮歲驟駸

田家

日落山陰多山水凍戶牖雨渠引深竹風蟬靜高
柳卅年讀吾書今始親壟畝全室喜我至泥足笑
奔走白酒侑雞豚在汝亦云厚蒼然古和氣乃非
世情有平昔達者筵屢忝賓從右但覺筋力憊轉
懼禮數苟內慚汝真意欲說還閉口慮汝聞此言

自疚邨野醜惟當美香粳粒粒出汝手糞田不鹵
莽宴客再淘滌客言飯香美尙能加餐不揮瓢翁
迎面掇椀孫掣肘歡顏謝田父告歸炬枯朽蕩客
沿蘆灣風露浩已久回首蘆中燈烟扉吠寒狗

復入田家

蘆竹交插籬柳根虛傍蹊柳枝懸翠禽籬下走黃
雞迎客犬動花花上雲日西汲泉嬾燃竹襯衫翁
摘葵頻來諒我適不言茅屋低開心課晴雨當面
行鋤犁百摺啟笑頤昨者語老妻官人肯過此勞

逸願亦齊我昔躬耕志望此路轉迷今茲撫筋骨
豈得辭塗泥家世花村農高會猶可稽及吾乃殯
墮爲汝盡端倪同邨亦鄰近不須連國哇

亭臯

葉光含宿雨初日靜亭臯水滿浮邨冷雲濛離樹
高魚噉苔緒瘦燕逐柳花勞物性清晨見天機獨
往遭

下簾

微病行藥後細雨下簾時草綠還成幅花香尙可

知燕涎綴膏土魚沫皺風池不要西山爽西山有
怨睂

無聊

細雨花清醒微風蝶肖翹香多成霧散粉嫩覺塵
飄近玩通情性中年惜暮朝春光去幾日心跡有
無聊

四月望日

四月望日日正中獸雲跑踣翻大風九關長驅萬
虎陣九江倒吼千鼙鐘江邊獨行歸病翁衣帶如

波影髮蓬仰面勞利平六鷗退竝眼南北雙蜺縱
如拳汎泐數點雨迴首霹靂半死松須臾聲色外
不入氣象變滅中元同樓上褰簾碧千里海東夕
陽紅數峯

辛亥除夕園公送麗春入瓶正月廿日種
之今已花

隔歲相望祇隔鄰故根仍在故園春未勝波靡溝
中斷復使心陽火盡薪風穴往還吾禦寇并泥雨
露古依仁寒餅剩水東西瀉老葉初花紫翠新

石帆客貴縣幕邑令紀君於衙齋作石帆

亭居之札屬樵夫書額作詩寄懷石帆

賢者竄荒遠天意與慰藉所以嶺西道少人而多
石先生處南海卓立天骨碧塙壘砥風靡溟渤赴
筆力仙舟帆方壺硤一尺千尺去年駕小舸今日
竟遠客冥冥八桂林日月深寂寥慟哭遂古初盤
古有魂魄墓樹三百里鬱鬱風雲色迴舟得賢主
小邑特何側江聲夜浮浮冰雪曉枕席神飛赤明
洞夢墮烏蠻國是邑曠沃野兩粵資粒食先生得

飽飯令爲構所適作亭名汝亭媚汝此探賸能詩
美賓主不必謀野獲遙知城頭山到面削天壁連
卷絙竿絳繽紛貫虹霓一時輦斯飛是汝爪畱跡
龍城有愚者種種愚絕域書生志迂遠動欲嫔古
昔是地三百年此客再難得樵夫於邕州風俗在
胷肱思君又懷土旦暮無羽翼嬋媛女嬰墳宰樹
瘴雨黑西向不成笑南繫惟岸幘城西萬山樓樓
外山翠積他時崑崙關便對庾信宅久別抱病久
更苦雨不息想彼山城小旦旦雲景羅言歸灘石

縮勿待江水窄相知眼終青勞者髮易白南雲入
搖天其雨心何極

雲

負手眄寥廓雲情我意同山明殘霓雨天碧晚蟬
風衣薄涼停影心微定住空猖狂自行止吾已得
鴻蒙

蟬

尋詩山木深不競暮蟬吟日短趨長夜風酸激苦
心化聲生接死憑弔古成今我自忘懷極相師學

汝瘡

詩成

詩成改罷長吟了
蒿目人閒屬望長
暫見風雲舒慘澹
後於身世更蒼茫
天私樗櫟空爲社
水淺蓬萊擬種桑
迴向初年鍊金骨
此生須老白雲鄉

寄書

人生骨肉親勿使遠
出門卽寄一封書
遂役千里魂前書
續後書歸人仍去
人終年枕衾內心如大
江翻低頭謝客子
軟語慰風塵書人亦語我君自

可少安我今挾書去夢懸江月還勞人顧其家如
見啼饑寒樵夫昔遠行千里方寸閒時時無人夜
風露浩江山還憶作客時誠如君所云婦人不識
路機杼夜不眠不眠安得夢夢亦迷東西更憐我
猶子今已十四年生年別其父不識父容顏人言
似其叔面目三四分昔昔見其父但見叔也真掩
書背面啼不敢爲母言人生骨肉親勿使遠出門
出門日以遠聽此深可憐君今挾書去書中辭萬
千書辭勸不足爲我加舌脣昨日東南風今日江

水新新波送抽帆遠天吹片雲片雲行或停中有
萬重灘灘上千疊山山上三聲猿

寄懷宋孝廉芷灣

湘時辭學使
幕還嘉應

從容長揖駕短櫂擺落美遊寧惡歸竹雨池亭藥
洲石梅關蝴蝶麻姑衣窓雞星盡汝先起風鳴天
長吾退飛今日鱸堂南弟子去年北雪到門稀

謂吾

師邱
先生

邨居

閑居病適己已復思朋來柴扉對青山安能不晨

開良苗汎天色雲光滋綠苔野碧映遠人衣服清
無埃邨翁語言拙何必鄒與枚優能課晴雨喜其
多好懷好懷無盡言佳日有餘杯

幽居

幽居敝東南小樓入千里有愧三十年詩心極雲
水點青山覆甌浮白田變海遠送風雨盡濶知天
地始昔年走天邊頗怪造化理偶俯陡地深一仰
接峯起兀崕秋士胸悲歌動蠻市事遷人亦老生
涯澹如此

夢東河老人

北極萬里風君夢南海濱今年有苦雨故郡無苦
民復尋餘閑室續道平生親虛室不見我南方招
我魂感我病鰥鰥有夢得接君須髮冰天氣寒光
猶襲人遠來亦斯須話別重悲辛宦久當故鄉情
深如友昆臨老又天末慘於初出門行矣勉千秋
名義各自敦苦著遠遊冠三彈幽朔塵還顧絕足
馬再踏元冥雲風起波浪急日落烟雨昏彷彿仍
倉卒人閒餘此身惟應今夕睡策馬入中原

陰晴

簷端展大水松杪漾輕雷波亂風交緊雲平雨濶
來碧山浮郡縣涼日出樓臺半百年將半陰晴到
眼催

早夏泛舟江縣贈潘孝廉漢超黃虛舟

花上朝見山山光靜如水入舟出江郭江水山色
裏遠碧眼已涼深青衣似洗東西濶陰晴雲雨畫
終始經春蒙藥煙臥病究物理物亦生有涯藥非
命所止浩蕩接風日寥廓與心耳城樓石突兀江

路松邈迤炯炯驚畏影緝緝魚啣尾獨往匏自繫
久別室自邇平生少壯懷貧賤二三子

晚涼

涼有蟬聲不假風晚雲淡薄帖晴空天明一點暮
山碧江白半帆斜照紅搏節病身強犬子商量漁
具拓龜蒙今年閏月真長夏多睡三旬與短篷

月

好月杯盤執明水清心吉祥非夜人舊雨烟雲足
過眼孤舟天海得其真安得仙公吹鐵笛爲呼赤

魚朝玉晨泠泠閩風五銖薄衣帶捲起滄波塵

答周生見寄

入邨宜朝暮開關卽平迥雨光映山色意與碧草
靜江帆濕不飽水鳥獨更永溪魚漲後亂波荇風
餘整天涼返物態慮澹出妙領故人甯藩府示疾
得真境有適皆見新無礙詎知屏浩然江湖心元作
句遠接烟水冷吾當披蘿衣君指浮瓠艇

晚景

孤蟬野風濶雙燕碧雲秋慘黛全融水殘陽半赭

樓微吟晚有意宜怨澹無愁五月人閒世蕭然欲
試裘

入舟

樓居五月破六月下孤舟蘆雨江聲入菱潭天影
浮水邨人外夜簑夢驚邊秋七月荷風冷還登乞
巧樓

題故人李處士

大生

乾之一簣山房

老樹落夏葉悲風哀後人花酸再來眼書委古時
塵高士生無辱清門今厭貧惟畱曲池月卅載照

交親

六月四日小園夜吟

有懷詎能道坐此境太幽佳人遠於天初月未上
樓池星動水氣青鉉寒射眸萬象不在目廻薄安
可收渺然風露深花香人亦愁

柳

柳是勞人樹勞勞樹下亭無花落近處有葉攪青
冥漭漭長河水風波古不停至今庾信曲淒絕路
人聽

避暑

山號小頭痛雲烘大鐵圍漫尋陰洞霧仙者六銖
衣面此長江水先生五柳扉晚風生竹塢初月動
蘆碕

泊舟遊邨中古廟在松林最深處

不見有人行此庭古燈無熱黯然青碎胸鬼馬臥
啣草迎客神鴉饑墮翎雲覆廡簷歸暮雨風翻宮
瓦走滄溟祇疑六月生衣薄却忘千松偃蓋停

閏辛亥九日詩感作寄平叔

孫平叔之服後予服一禪

時亦將闕而
不及秋試

昨歲登高山上臺西天秋色入蓬萊塵浮兩塔平
肩立鴈側孤風落帽來此地今同刻舟劍望洋吾
起均堂杯慈烏宰樹懷三匝明月高樓減七哀

晤潘漢超

一別廿年同故鄉相逢吟鬢漸蒼蒼貧如往日迂
論命誤坐微名老畏狂願有後期仍許濶能來孫
輩又成行病容莫厭還須記瘦入他時滿而霜
立秋日泛舟觀漲追昔感懷有述似周生

水鄉如浮簾波面插萬木長風灑新涼動蕩天海
綠雲沙極平遠坦掌入眼縮庚庚千里橫一筆意
已足吾鄉無隄防散水不瀦畜牂牯天上來割山
輓血濁染以黃茅雲浮浮雉蛇毒至此氣養澎湃
付沃焦沃昔年住南海南海多隄甲辰乙巳
居佛山時水漲憂之曲肱
遇西瀆築版猿鶴哀膠杯壽命速夜報一寸滅朝
寂萬室哭漲去慘未已紅羊已潛伏旱漘較猶愈
得緩鬼伯促古者重還鄉豈獨生安俗先人首邱
遂亦是禍後福今年廣漁具不出媚口腹故人轉

相疑遣信到鄉曲方且柳貫魴乃謂蕉覆鹿小出

人爭喧始信吾行獨

前以他故到縣城許周生聞之以疑致詰

深感故

人意廬金操逾篤生平齊得喪觀水厭翻覆波瀾

入古井欲起安可得風柳露蟬晚振衣快新浴清

江歛空嵐澹白天一幅

立秋明日

夜色曉泠泠高雲氣漸平病機抒肺熱離思動秋

清水濶山光薄天深鷺影明蘭臺中歲後時節渺

關情

佛桑

葉濃如拭花如洗昨夜涼天露水
流黯淡晝光深
有月清冷吟思白宜秋色香淨
業仍三宿長短窺
墻出一頭相望分根藥烟閣美人
魂氣暮含愁

省視平叔辛亥冬道中所寄贈別短句四

十韻作長句寄之

梅花嶺上見爾選單裘大江負悶寒低篷作詩氣

勃鬱雪吹不到相風竿

平叔不以冬衣來歸日買一羊裘

是時解

衣坐旁薄廻似嶺南秋始殘餘閑虛室夜葉響燈

青屋老愁汗漫畏離刻刻作別語一別迴如天地
寬閉門索處倘未出一出霜赭西神山青楓黑塞
夢中路淒然竭又秋江關我冬曰歸春苦雨雨臥
離居開木蘭百勞我夢花送淚三得汝書雨始闌
傷春夢池草照綠結夏露盆荷漸漑去年分根藩
府種深深已作芙蓉灣轉愁卽花照別眼爲昔花
時同爾看山響樓前九月九家家醉日攢簷端此
花繁紅足秋怨怨色遠映愁人顏對花我又歎遲
暮有竹君可郵平安艷秋閣上晚景濶松陵江頭

涼月團月上徘徊倚牛女古人此占揚越閒蒼蒼
風露分野色浩浩江湖行路難悠悠百年我將老
漠漠此別君加餐昔昔吟詩續續寄慰我十年仍
一冠今年換冠髮種種冠未再換霜鬚鬚

薇花一株紅白二種

暗桃明李秋風裏一樹春光繡作團赤爲施朱白
施粉日熏朝暖露朝寒何郎粟汗融酥落紫玉煙
綃映肉單又似中書醉吟老吟時衰鬢照陀顏

繡毬花

宋玉家無糞土塙諸花園繞葉琅琅中邊星月銀
灣曉濁澤瓊瑤玉水香障面裁紈秋怨別當心掛
鏡爛生光蓬飛白首朱門客蔓引嫵姚蹴鞠塲

移居錦秋書館乃平叔去歲作寓處棧觸

於懷作詩貽主人張明經心如安

錦秋書館艷秋樓并與歸人貯別愁汝亦往還萬

里客

心如同平叔還吳艷秋樓平叔居名

我來吟望兩年秋行辭響

屨蒲萄葉

蒲萄一甚盛

出餞橫波舴艋舟正喜夢中君

識路聯床相憶倘相侔

復得綠薇作

遠似無花近欲空
薄勝朝日弱嫌風
眼明雨色芭蕉外
園翦雲英翡翠叢
米老借評惟皺瘦
柳枝新號占玲瓏
後來入室譏鄰女
傅粉施朱並未工

心如以裘贈

去冬心如與平叔還吳平叔祇買一羊裘此裘溫厚平叔

嘗衣之也玉山風雪平叔來書所云作詩並寄平叔

過玉山時大雪飛
故人披汝遠遊衣
思親舊淚沾襟在
同體知交以我歸
覩物夢頻來客帳
不寒書已報慈幃
明年大雪梁溪夜

與平叔約明年必取道相訪

應撫

孱軀感暖暉

題正夫獨立圖

傷離感逝歲頻頻獨立何時不愴神
踽踽殘山剩水晚遙遙過去未來人
君心豈免千秋想我輩還同一聚塵
身外已空諸所有空中聊瘳苦吟身

廣州城下寄平叔

鬢絲蕭颯葉颼颼此西風老樹頭
九月江清千丈玉三城日落最高樓
王恭尙有當時月宋玉難勝遠別秋
恨是牂牁亦東逝不能南合大江流

送劉明經香谷

世馨

教諭清遠兼懷何明

府數峯

青

小樓苦節以詩昌

劉母謝太孺人有小樓吟稿

他日分羹有母

嘗士貴及時爲孝子我今垂老貢蠻鄉一官齒漱
冰壺冷三峽眠浮雪夢涼更愛神山藐姑射仙郎
冰雪製衣裳

正夫貽仁化山中素心蘭

花到吾鄉自有神未花看葉已懷新影邊增韻一
枝竹月下寫生無點塵此物張衡青玉案如公彭

澤素心人半生我負還山約渠亦出山三十春

此種

出近三十年甚難得今
仁化山中亦不可復見

與徐小山論詩作

愛爾詩思徹骨清小山叢桂作秋聲古人南國觀
風始今日江西又善鳴地籟誰知待天籟昭明須
信謾前明可通身命能歌哭不貌悲歡入性情

寒江

朔風吹昏鴉杳杳飛復集西日東流水無語各自
急仰面牂牁舟決背一鳥入暮色莽浮浮人烟靜

浥浥四時轉兩鬢萬感赴獨立路人見吾老來者
非我及西山古時青今朝吾挂顙

豆花詩

種時引蔓斫叢篁甲紫過春竹已黃芋畝上頭瓜
架底月籬低亞露風涼碧雲暮合襦褌影紅玉陰
懸的樂光挾瑟和歌楊惲婦自穿紅翠上高堂

寫扇贈別李孝廉

梁

時伍進士

有庸

同過

訪

看盡江南平遠山雲沙冰雪入燕關此行三歲我

滯滯一問十年人往還
月店風燈愁獨宿
野亭秋竹憶衰顏
祇防障面塵縑素
化作煙霏水石閒

連日暖可禪衲

梅花吾爲汝儲裘
花暖香繁出手柔
煙薄鴉恬緒風善
江明鴈叫白雲秋
卽乘臘盡還家艇
怕上春寒夢雨樓
南土春寒則雨冬不寒入春必寒
泥我看花期尙可早
禾秧冷萬人憂
粵農謠大寒暖多冷煞早禾

虛窓客懷

客夢荒涼趨歲終
裂冰明紙夜燈紅
依人鳥鼠同

今雨去我義皇邈古風高竹影深潮漲月幽蘭香
厲露鳴蟲逾時搖落逾時病此景中園尙夢中

題友人垂釣小影五絕句

人言三曲有仙船船尾一竿橫兩舷天氣秋清眼
秋碧釣絲微過一絲烟

何年乞得武夷君脚踏虹橋手綠筠還向溪山作
山主客星何必見天文

神寒骨重着裘勝山月溪雲凍欲冰老子於茲興
不淺山人休擬我巖陵

山瘦氣寒梅早開
雲英身畔綴烟苔
披裘便號嚴陵得
祇道江城五月梅

是非疑似去安排
常釣無魚亦復佳
也似樵夫手無斧
伯陽身世立枯柴

客舍小池寒月

城窟月高寒止水
淵淵深靜又亭亭
飛鳥露影明三匝
化鶴心游極八溟
此夜我鄉漫地白
少焉潮勢落天青
誰知近玩猶埃壘
道在無人立窈冥

十二月十六日省垣作

堪笑詩翁李玉溪
今年初作袞師詩
世情到我憐
還譽命數詢人好
却疑眼裏外孫行
已疾憂來慈
母慰非遲將歸寄語休
忘了百子火麟燈九枝

梅花一株聞已盛開

客子還家暮園梅向我殘
催花風候暖到地月光
寒昨夢頻開徑高雲一岸冠
歸應兒索抱折與阿婆看

寄致上人問我報喜蘭

光風先喜地幾日汎崇蘭
花有吉人性佛應微笑

看香園厥土淨長劍此天寒更問平安竹心安竹亦安

憶梅

未歸夢歸烟水涯亦有先春知歲華碧波特與灑
灑月夜氣不作冥冥花好妨籬眼明人眼澹極誰
家似我家若解勾詩且畱待入牕雲露一枝斜

廿六日還家度歲舟行有作

野屋江籬悄悄春低花臨水不驕人歸飛細艇疾
飢鳥迴首大城高暮塵衣綵淒其緒風暖吾謀疎

耳物情真香饌饋歲辛盤酒未得安貧且諱貧

寄翁少宗伯

方綱

公嘗一使九年歸歸廿年更拔士期不見二樵圓

夙夢

見懷詩有寄語二樵圓夙夢蘇門學士待君來之句

遠來雙鯉訪論詩

先生將刻所著杜斯文要得天地壯此事誠非龜詩附記欲徵鄙論

策知也喜將心寄北斗不然翕舌似南箕

五百四峯堂詩鈔

卷二十二終